

Bievnesch Pedagooges-psykologees dienesjen bijre

Pedagooges- psykologees dienesje (PP-dienesje)

Pedagooges-psykologees dienesje (daamtaj aeniedamme PPT jallh PP-dienesje) lea akte tjielten jallh fylhkentjielten dienesje mij raerieh vadt. Dihte edtja maanide, noeride jih geerve almetjidie viehkiehtidh mah sijjen skearkagimmesne tjabreminie, jallh aktem geerve lierehtimmietsiehkien utnieh.

PP-dienesje edtja g.j. maanide jih skuvlide raeriestidh jih bihkedidh guktie dah edtijeh maanide/learohkidie sjihteladtedh mah dam daarpesjeh.

PP-dienesje edtja skuvlide viehkiehtidh lierehtimmiem buerebelaakan sjihteladtedh learohkidie mej sjiere daerpiesvoeth.

PP-dienesje sjeavohtsvoetediedtem atna. Bievnesch maanan/learohken bijre eah edtjeh byögkeles arrodh, jih eah mubpide vadtasovvh jis eejhtegh eah leah dam jaähkesjamme. Bievnesch maanan/learohken bijre vöörhkesuvvieh aktene jijtse journallesne/maabpesne bihkedassi mietie mejtie Daatavaaksjome vadteme.

Maam PP-dienesje dorje?

PP-dienesje salkethe, raereste jih bihkede maanaj, noeri jih geerve almetji bijre mah haestemh utnieh daan bijre

- gieler- jih soptsestimmietsagkesh
- siejhme learoetsagkesh jallh faagetsagkesh
- lohkeme- jih tjaelemetsagkesh
- matematihketsagkesh
- konsentrasjovnetsagkesh
- sosijaale jih emosjovnelle tsagkesh
- daemiedimmietsagkesh
- tsagkesh vuejnedh jih govledh

Guktie datne goh eejhtege maahtah PP-dienesjinie soptsestidh?

Avtelen datne PP-dienesjinie soptsesth, byörh healsoestastjovnine/maanagiertine/skuvline soptsestidh dov tjoeperrimmien bijre dov maanese. Learohkh bijjelen 15 jaepieh maehtieh aaj PP-dienesjinie soptsestidh.

PP-dienesje maahta aaj geerve almetjeh viehkiehtidh mah sijhtieh maadthskuvlelierehtimmiem vaeltedh.

Dovne almetjeh jih institusjovnh (maanagierte, skuvle jih mubpieh) maehtieh tjeakoeslaakan soptsestidh jih raerien mietie gihtjedh PP-dienesjen luvnie.

Dastegh daerpies vielie viehkine PP-dienesjistie, maahta maanam/learohkem saehtedh PP-dienesjasse. Saehteme PP-dienesjasse dorjesavva siejhmemes aktene saehtemegoeresne, vuartesjh dov tjielten/fylhkentjielten gaetiesajrosne. Soptsesth maanagiertine/skuvline juktie viehkien aadtjodh saehtemegoerem dievhtedh.

Mubpieh mah maehtieh PP-dienesjasse saehtedh:

- Maanagierte, skuvle jih geervelierehtimmie
- Healsoestastjovne jih skiemtjegåetie mænngan eejhtegh jááhkesjamme, dastegh maana/learohke ij leah 15 jaepieh illeme.

Learohke jallh eejhtegh maehtieh krievedh skuvle daerpies goerehtimmieh dorje juktie gaavnehtidh mejtie learohke sjiereööhpehtimmie daarpesje, jih mah sáarhts lierehtimmie learohke daarpesje.

Guktie PP-dienesje barka?

PP-dienesje laavenjostoe gaskem jeatjah maanagiertigujmie jih skuvligujmie juktie faalenassem sjiehteladtedh learohken nuepiej jih daerpiesvoeti mietie. Maahta aamhtesegietedimmie PP-dienesjasse golme boelhkine juekedh:

1. Salkehtimmie

Gosse PP-dienesje saehtemem dááste, dle siejhme govledh misse eejhtegh, laavenjostosne maanagiertine jih skuvline, viehkiem daarpesjeh. Soptsestimmien/byjrehtallemen, vihtesjimmien jih goerehtimmien tjirrh PP-dienesje aktem dan állesth guvviem áádtje dejstie nuepijste jih daerpiesvoetijste maana/learohke átna. Salkehtimmie dorjesávva maanagiertesne, skuvlesne jallh PP-dienesjen tjehtjelinie.

2. Aamhtesemaehteles vuarjasjimmie/raeriestimmie

Salkehtimmien sjiekenisnie dle PP-dienesje aktem aamhtesemaehteles vuarjasjimmie dorje (tjaaleldh reektehtse) jih juvnehte kanne aktem sjiehteladtemem maanagiertesne jallh lierehtimmietsiehkesne, mij váaroeminie átna maanan/learohken nuepieh. PP-dienesje aamhtesemaehteles raeriem vadta. Dah siejhmemes suerkieh leah vuarjasjimmie sjierepedagogeles viehkeste maanide skuvleaalteren nuelesne, jih sjiereööhpehtimmie learoehkidie.

3. Dáarjoehtimmie

PP-dienesje maahta dáarjoehtimmie vedtedh viehkine raerijste/bihkedimmeste eejhtegidie, barkijidie maanagiertesne jih lohkehtæjjide skuvlesne. PP-dienesje maahta dáarjoesoptsestimmieh vedtedh dan aktegs learoehkasse, jih dah maehtieh sán aaj vijriesábpoe saehtemem vuarjasjidh.

PP-dienesjen barkoe lea nænnoestamme ööhpehtimmielaakesne, g,j daejnie paragraafine:

§ 5-1 *Rett til spesialundervisning (Reakta sjiereööhpehtæmman)*

§ 5-3 *Sakkyndig vurdering (Aamhtesemaehteles vuarjasjimmie)*

§ 5-4 *Saksbehandlingen i forbindelse med vedtak om spesialundervisning (Aamhtesegietedimmie nænnoestimmien sjiekenisnie sjiereööhpehtimmien bijre)*

§ 5-6 *Pedagogisk-psykologisk teneste (Pedagogeles-psykologeles dienesje)*

§ 5-7 *Spesialpedagogisk hjelp før opplæringspliktig alder (Sjierepedagogeles viehkie lierehtimmiealteren ávtelen)*

